

臺灣文獻史料叢刊

第八輯

清稗類鈔選錄  
張文襄公選錄

(合訂本)

臺灣大通書局印行

臺灣文獻叢刊第九七種

張文襄公選集

張之洞

以爲辭。曾宋真宗欲徵遼人所請，而遼舉以爲不可，卒改前議。此等大計，亦不可不令  
諸臣與議也。

竊恐朝廷不顧臣七月初十日上疏之本意，而又顧「生番」一黨之故轍，不得不轉折  
懇切言之。

### 臺防重要敬舉人才片（光緒六年十月初一日）

再，日本若有違言，南北海防他無足慮，北洋兵力尙厚，不能攻也；上海洋商所萃  
，彼不能包各國之利息，不敢擾也。所防者，惟臺灣爲急。

夫議臺防者已五、六年矣，而毫無成效者，不得人故也。閩省兵既不練，將材又少  
。竊聞甘肅軍營差候補道劉璈，曩在左宗棠軍中，才識雄毅，兼有權略；前官浙西，  
治行第一。曾隨沈葆楨渡臺，辦理倭案。聞其平居私議，自謂惡寒喜熱；若有事臺灣，  
慨然願以身任。又廣東潮州鎮總兵方耀，智勇沉深，身經百戰，聲威赫然。臺灣距潮甚  
近，其地商務半係潮人；若令帶所部潮勇數營前往，風土尤爲相習。竊思若得此文武兩  
人責以臺務，畀以重權，必能左提右挈，闢土阜財、撫番捍敵，爲八閩之藩衛。蓋臺灣  
瘴熱，任此者不惟擇其才，又必服習水土、不致疾病者；該兩員尤爲相宜。兩人材器，  
敢請詢之浙、粵兩省官吏士民，決無異詞。朝廷如以爲可用，卽當先其所急，不得任聽

督、撫扣留。

夫日本滅球，乃垂涎臺灣之漸；爲保臺灣計，爲保閩省計，此亦不可緩者也。惟望宸斷，早爲決計施行。

——以上見「全集」卷三「奏議三」。

，戰敗復戰，彼無益我何。先求兩艦歸還，方不至食言。今內閣亦出於戰，而時勢實和；戰既不力，和又不成，遲且不肯，究竟北犯，不為設想，臺乃危矣。鈞見何如？謹。歌。

——以上見《全集》卷一百四十三「電報二十二」。

### 致總署（光緒二十一年二月初四日亥刻）

傳聞倭有索臺灣之說，或云借臺灣開鑛十年等語；未知確否？即使倭真有此意，朝廷權衡至當，知亦必斷然不允。查臺灣極關緊要，逼近閩、浙；若為敵踞，南洋永遠事無掣肘。且雖在海外，實為精華，地廣物蕃，公家進款每年二百餘萬，商民所入數十倍於此；未開之利，更不待言。去臘洞託寓居美國之道員容閱借洋款，容復電云：『若肯以臺灣作押，可借美國銀元十萬萬元』等語。查美銀元合中國銀一兩餘，十萬萬元是值銀一千餘兆。又上海英律師丹文來言：『若中國需銀，可以臺灣押與英人，可借鉅款』等語。洞以其語不得體，當即峻詞斥之。即此兩說，可見外洋各國豔羨重視臺灣之至。既知洋情如此，不敢不以上陳。再，近日倭有數輪游弋澎湖，顯係意在臺灣，甚屬孤危可慮。竊謂此時正可就外洋豔羨之意，另設一權宜救急之法，似可與英公使、外部商之，即向英借款二、三千萬，以臺灣作保；臺灣既以保借款，英必不肯任倭人盜踞，英自

必以兵輪保衛臺灣，臺防可紓。借款還清，英自無從覬覦臺灣；其權在我。如照此辦法，英尚不肯爲我保臺灣，則更有一策：除借巨款外，並許英在臺灣開鑛一、二十年。此乃於英國家有大益之事，必肯保臺灣矣。臺灣內山瘴毒深邃，歷年開闢無效，是中國人力斷然不能深入；若英人代我開山通道、廓清瘴癘，暢開地產，彼雖獲目前之利，至年限滿以後，我坐享其利矣。我有巨款，即可速購各小國現成兵輪，於戰事必有大益；而既許英以鑛利，則保臺必所樂從。中、英之交既深，即可與英外部密商，遇事從中暗助。總之，英遠倭近、英緩倭急，英乃強鄰尙存大體，倭乃兇盜毫無天理；古人所謂「遠交近攻」，此理確然不易。惟外間耳食之人，恐誤以爲將臺灣押與英國，橫生訾議。不知歷年借洋款，皆寫海關作保，我借款已清，英國何嘗有據我海關而收稅之事乎？大局十分緊急，謹陳管見，上備采擇，不勝惶悚！是否可行？伏候聖裁。請代奏！豪二。（另致天津李中堂，加「總署電，錄呈一覽」八字，餘同）。

——見「全集」卷七十七「電奏五」

致臺北廣濟會（光緒二十一年二月初五日寅刻）

倭匪猖獗，形勢全變，國書有「請旨」字樣，故不與議。現聞該李傅相爲全權大臣，赴前與倭會議，初三日出都。謠傳有倭索臺灣之說，故昨電請陸院利害，以爲先事豫